

UGOVOR

za nabavku usluga školovanje pilota i aviomehaničara (druga i treća faza)

zaključen između:

1. **Ministarstvo unutrašnjih poslova Kantona Sarajevo**, sa sjedištem u ulici La Benevolencije broj 16, 71 000 Sarajevo, kojeg zastupa ministar **Admir Katica** (u daljem tekstu: **Naručilac**), i
2. **"Flight Academy Montenegro" d.o.o.** Podgorica, Crna Gora, sa sjedištem u ulici Mila Radunovića broj S-3, kojeg zastupa direktor **Zdravko Dragutinović**, (u daljem tekstu: **Dobavljač**)

I - PREDMET UGOVORA

Član 1.

Predmet ovog ugovora je nabavka usluga školovanje pilota i aviomehaničara (u daljem tekstu: nabavka usluga), prema stavkama navedenim u Ponudi Ponuđača broj: 13/2024-FAM, od 01.06.2024 godine (u daljem tekstu: Ponuda) i to drugog i trećeg kvartala školovanja koja se sastoji od slijedećeg:

- **Nastavak prakse – 2 aviomehaničara na helicopter R44**
- **Teorijska obuka za dozvolu CPL helicopter-a (četiri kandidata)**
- **Nalet u trajanju 100 časova po kandidatu na helikopteru R44 (četiri kandidata)**
- **Obuka u Noćnom letenju na helikopteru R44**

Ponuda Dobavljača iz prethodnog stava čini sastavni dio ovog ugovora.

II - CIJENA

Član 2.

Ukupna cijene usluga školovanja pilota i aviomehaničara iz ovog ugovora je sadržana u Ponudi i ista se ne može mijenjati za cijelo vrijeme okvirnog ugovora. Shodno navedenom zbirna cijena svih faza školovanja neće preći ukupnu cijenu iz ponude.

Cijena školovanja druge i treće faze iz ovog ugovora se NEĆE mijenjati za vrijeme trajanja ovog ugovora

Ukupna vrijednost ovog ugovora bez uračunatog PDV-a iznosi: **826.446,282 KM**, (slovima: osamstotinadvaesetšeststotiljadacetiristotinečetdesetšestkonvertibilnihmaraka i 282/100 KM), odnosno **422.555,274 EURO**

Iznos PDV-a: **173.553,718 KM**, (21%) (jednastotinasedamsettrihstotiljadepetstotinapedesetpetkonvertibilnihmaraka 718/100), odnosno **88.736 608 EURO**.

Ukupna vrijednost ugovora sa uračunatim PDV-om iznosi: **1.000.000,00 KM**, (slovima: jedan milionkonvertibilnihmaraka), odnosno **511.291,382 EURO**

III - USLOVI I NAČIN PLAĆANJA

Član 3.

Naručilac će Dobavljaču izvršiti plaćanje po ovom ugovoru u roku od 30 dana od dana dostavljanja računa za drugu i treću fazu školovanja koji će Dobavljač izdati u skladu sa odredbama ovog ugovora, a na osnovu dostave slijedeće originalne dokumentacije na protokol Naručioca na adresi:

- originalnu fakturu;
- obostrano potpisanu potvrdu o prijemu kandidata na školovanje;

Svu pripadajuću dokumentaciju Dobavljač je dužan dostaviti Naručiocu, te ukoliko je ne dostavi, Naručilac ne odgovara za eventualno kašnjenje u plaćanju.

IV - ROK I MJESTO ISPORUKE

Član 4.

Dobavljač će usluge druge i treće faze školovanja pilota i aviomehaničara Naručioca izvršiti u skladu sa ponudom, prihvaćenim Planom i programom druge i treće faze koji čini sastavni dio ovog ugovora, kao i svim eventulanim nalogima Naručioca.

Dobavljač će započeti sa izvršenjem usluge po ovom pojedinačnom ugovoru 01.01.2025. godine.

Mjesto na kojem će se vršiti usluge koje su predmet ovog ugovora je navedeno u ponudi.

Naručilac zadržava pravo da tokom važenja ugovora u skladu sa nastalim potrebama, po svim stavkama specifikacije, po ponuđenim uslovima, naruči usluge školovanja pilota i aviomehaničara prema specifikaciji, a u okviru vrijednosti ugovora.

Ugovorne strane su saglasne da Naručilac može ovisno od svojih potreba, za uslugu koja nije specificirana u tehničkoj specifikaciji ovog ugovora, iz stavke „OSTALO“, zatražiti od Dobavljač, konkretnu ponudu, te odlučiti da li će istu nabaviti ili ne.

V – KVALITET

Član 5.

Tokom cijelog perioda važenja ugovora, ni pod kojim uslovima ne smije doći do odstupanja u kvalitetu ili količinama usluga, odnosno do izvršenja drugih vrsta usluga školovanja pilota i aviomehaničara, osim onih koji su definisani specifikacijom. U suprotnom Naručilac zadržava pravo raskida ovog ugovora prije njegovog isteka.

Rok važenja – druga i treća faza usluga školovanje pilota i aviomehaničara, mora biti sedam mjeseci počev od 01.01.2025.godine. Za Naručioca nikakve zamjenske usluge nisu prihvatljive.

Isporučene usluge moraju biti u skladu sa standardima, tehničkim normativima i kvalitativnim normama propisanim ili priznatim kao uvjet za njihovo stavljanje u promet i/ili upotrebu na tržištu Bosne i Hercegovine.

Dobavljač se obavezuje da će za vrijeme ovog ugovora, po reklamacijama Naručioca, u slučaju bilo kakvih manjkavosti o svom trošku u roku od 7 (sedam) dana, od dana prijema reklamacije napraviti odgovarajuću zamjenu količine i vrste usluge školovane pilota i aviomehaničara.

VI – UGOVORNA KAZNA

Član 6.

Dobavljač se obavezuje da će u slučaju kašnjenja u isporuci usluga, ili kašnjenja u zamjeni usluga po članu 4. ovog ugovora, platiti Naručiocu ugovornu kaznu za svaki dan zakašnjenja u visini 0,5% od vrijednosti neisporučene usluge, s tim da ukupan iznos ugovorne kazne ne može preći 5% ukupno ugovorene vrijednosti ugovora.

IX - ZAVRŠNE ODREDBE

Član 7.

Ugovorne strane su saglasne da Dobavljač nema pravo, u svrhu izvršenja ugovora, zapošljavati fizička i pravna lica koja su sudjelovala u pripremi tenderske dokumentacije ili su bili članovi ili stručne osobe koje je angažovala Komisija za nabavku u postupku koji je prethodio ovom ugovoru, najmanje šest mjeseci po zaključenju ugovora.

Član 8.

Eventualne sporove koji mogu nastati prilikom realizacije ovog ugovora, ugovorne strane se obavezuju riješiti sporazumno u duhu dobre poslovne saradnje i u skladu sa odredbama Zakona o obligacionim odnosima, kao i drugim pozitivnim propisima koji se primjenjuju na ovakve ugovore.

Ukoliko ugovorne strane za eventualni spor, nastao realizacijom ovog ugovora, ne pronađu sporazumno rješenje, prihvataju stvarnu i mjesnu nadležnost suda u Sarajevu.

Član 9.

Ovaj ugovor se zaključuje na period od **01.01.2025. godine do 30.07.2025. godine.**

Ovaj ugovor se može raskinuti dogovorno u svako vrijeme na pismeni zahtjev jedne od ugovornih strana, sa otkaznim rokom od trideset (30) dana, uz prethodno obostrano izmirenje preuzetih obaveza.

Član 10.

Ovaj ugovor stupa na snagu danom obostranog potpisivanja obje ugovorne strane.

Član 11.

Ovaj ugovor je sačinjen u 6 (šest) istovjetnih primjeraka, od kojih svaka ugovorna strana zadržava po 3 (tri) primjerka.



Broj: 04-01-11-4-6115-13/24
Sarajevo, 01.01.2025. godine

Flight Academy Montenegro

